

東

華

錄

東華錄卷之三十一

湘源蔣良騏千之父

雍正八年六月 諭進兵之期暫緩一年着岳鍾琪傅尔丹察贊大臣陳泰蘇圖來京 怡親王薨諡曰賢 七月命建賢良祠於京城內白馬關帝廟之旁祀本朝滿漢大臣才德著聞完名全節者 湖廣總督邁柱疏言永州府屬之道州寧遠永明江華四州縣與廣西接壤應添設官兵以資防守請改永州府同知爲理徭同知移駐江華城中控制上五堡等處管理四州縣苗疆捕務仍于道州江

華各設遊擊一千總一寧遠永明各設守備一抽調各標營兵一千五百每月與廣西桂林營訂期會哨三次于地方實有神益從之 八月甘肅撫許容奏本年六月十五日湖州口外營建河神廟宇卽有祥雲捧日五色成文于七月初五日自積石關至撒喇城查漢達斯等處百餘里黃河澄澈三晝夜 九月 諭內閣朕覽高其倬等所奏太平峪吉地事宜甚屬妥協大凡讀書居官之人通曉堪輿者甚少卽或有之又往往以此爲諱高其倬乃封疆大臣原不必以此見長乃其心以爲國家之事莫此爲大以

一身協贊怡親王肩此重任籌度萬全此實出于忠愛至誠之惻也著賞給一等阿達哈哈番 十月大學士等遵旨議覆烏蒙構逆總督鄂爾泰已調發川黔官兵進剿恐夷賊遠遁渡江入川請沿江分防堵禦得 旨此所派弁兵俱聽鄂爾泰節制調遣 以兵部尙書查弼納爲副將軍命往北路與傅爾丹副將軍巴賽辦理軍務 鄂爾泰奏官兵報捷恢復烏蒙情形據奏將韓勲在莫都都地方與賊兵戰一晝夜殺賊數百連燬四寨又在奎鄉連戰三日敗賊八千殺賊二千餘衆山鎮雄一路情形也又據總

兵官祿遊擊王耀祖等前進東川擊敗猓賊燒燬十三寨
斬獲甚衆又遊擊何元等勦捕阿旺急羅等殺賊三百餘
衆哀求投降又遊擊紀龍等勦洗老家海道猓賊斬殺無數
此東川一路情形也又據總兵哈元生前進烏蒙擊敗賊
衆數萬射死兇目黑寡募末連燬賊巢八十餘座直抵烏
蒙恢復郡治此威靈一路情形也現在飛催提臣張耀祖
分路窮搜所有安插事宜已飭副將徐成貞會同文員料
理尋奉 旨議敘獎賚 十一月浙江觀風整俗使蔡士
舫緣事降調裁觀風整俗使 十二月傅尔丹岳鍾琪自

京回營營獲寧遠大將軍印紀成斌奏準噶爾乘我西路
軍營不備率賊二萬餘犯濶舍圖卡倫盜趕駝馬總兵樊
廷率副將冶大雄等領兵二千轉戰七晝夜救出兩處卡
倫官兵會合總兵張元佐等擊殺賊兵不計其數將馬駝
牲畜悉行奪回

雍正九年正月副都統達鼐奏噶斯卡倫現被賊圍臣親
率兵出邊往援柴旦木若賊敗遁卽領兵追襲得 旨只
宜堅守不可躁妄且戒飭之 命給北路副將軍查弼納
昭武將軍印馳赴軍營尋仍以副將軍辦理軍務 二月

岳鍾琪奏軍機事宜十六條一吐魯番地方饑沃宜廣屯種一吐魯番通伊犁之路逆夷出入所必經宜嚴設卡倫一準噶爾所屬回子先宜收撫一巴爾庫爾等處宜多派兵丁以分戰守一襲擊逆夷使其不安駐劄得旨岳鍾琪所奏十六條朕詳細披覽竟無一可採之處岳鍾琪以前輕言長驛直入必欲勉踐前說若以今日之事直搗巢穴能保必勝乎大學士等將朕此旨傳諭之湖廣總督邁柱疏言黔苗不靖請停止湖南醴陵桂東等十二州縣礦山開採以絕藏奸又疏言湖南營兵向例以六錢給

今改設永順三營係開闢苗疆產米既少商販亦稀價值昂貴請自雍正元年爲始永順以一兩折給保靖桑植以八錢折給允之

上諭內閣上年秋月山東地方山水爲患河南亦有數縣被水朕以田文鏡自能辦理安貼冬間見總督邁柱奏知豫省被水之民有覓食糊口於湖廣者今聞祥飭封邱等處乏食窮民沿途求乞而村鎮中更有賣鬻男女爲山陝客商買去者田文鏡欲將說合之中保媒人拘拿懲治至於鄉村有糧之家多被附近窮民呼羣覬覦于昏夜之中

通勒借貸有司不能究問朕深爲駭異出文鏡近來年老
多病精神不及故爲屬員所欺罔耳刑部侍郎王國棟着
馳駟前往將被水州縣查明飛飭該地方官動用本地倉
穀錢糧核實賑濟至麥熟時奏聞停止其應行緩征之州
縣卽令緩征以免追呼之苦 三月

諭大學士等準噶爾聲言欲犯北路朕料其詭詐仍欲來
犯西路也薩生芝之脫固未必非賊之故縱令其傳遞此
信以懈我西路防範之心可傳諭岳鍾琪著總督查郎阿
等不可稍存輕忽之心又

諭大學士等岳鍾琪署總督查耶阿西問藍生芝傳說噶
爾丹策零帶領部落家口移駐哈喇沙爾并有四月初一
日小策零敦多卜會兵去犯北路之言壽崑四條干口外
地方形勢茫然不知于軍務機宜亦覺昏愊但旁生知節
盈篇累牘朕深爲煩憂可傳諭知之

諭詞甚多
未盡錄

命都統

伊理布帶兵二千餘名往西路爲副將軍若岳鍾琪有統
兵行走之處着伊里布領滿洲兵一同前往 廣東巡撫
鄂彌達疏言烏鎬向有嚴禁但廣東瓊州孤懸海外民借
烏鎬以爲防禦未便照內地收繳請令各戶藏一違者治

罪下部議行 四月田文鏡以病乞休命來京 遣左都御史史貽直侍郎杭奕祿署內務府總管鄂禪寶率領翰林院庶吉士及六部學習人員國子監肄業之選拔貢生等賚諭前往陝甘二省開導訓諭覺悟愚蒙 五月授石雲倬爲西路副將軍前往軍營 鄂爾泰奏廣西思恩府所屬之鄧橫寨積惡多年通計一百九十餘戶丁壯千人而兇徒聚處專事劫殺左有雷逢右有那練暗結黨羽密竹結棚籍爲外衛深壕險坎設爲內坑鎗箭能出不能入兵役敢進不敢退以前提臣張溥委副將尙清進剿昧於

形勢致損兵威臣令總兵蔡成貴固守圍困一面督兵攻
八二月初四日我軍三路攻賊焚燬寨柵殺賊無數生擒
百餘賊衆全平報聞 六月副都統格默爾奏騰格里卡
倫扎薩克諾爾布背叛逃至滾額爾吉庫爾烏蘇之地臣
令叅領巴顏等追緝於蒙古爾托庫海押解回營報
聞 副都統達鼐奏青海原扎薩克公墾爾根戴青拉查
卜等逃遁渡梭羅木河而去臣率兵追至河濱先將其子
察罕拉布坦生擒拉查卜畏威迎降 岳鍾琪奏遵旨於
巴爾庫爾建築城垣告竣下部知之 又奏賊夷圍困魯

慶谷四十餘日賴漢回官兵固守殺死賊人二百餘名

河東督沈廷正疏言東省運河堤岸爲漕艘往來要津汶上所轄之何家堤當汶河西岸蓄水濟運衝刷流沙爲南北運河關鍵因建立年久堤岸潰缺一遇汶漲沙流入運劉老石頭二口遂致淤墊淺澀急須照舊整理俾蓄洩有資俟估詳提請修築臣又念黃河工程較運河更爲緊要今屆秋汛親由曹縣芝蔴生一帶查勘各工俱各平穩惟豫省封北岸趙家寨工程當全黃頂衝現今大溜掃灣直射堤根甚爲險要星夜防護而詳符程家寨工逼近省城

最爲緊要地業將北岸開挖引河導溜北徒正在守候開
放間北風連作全河勢往南岸臣親率各員駐宿引河工
所俟水勢漲發風色順利卽當相機開放 旨亟宜恪秉
誠敬以祈神佑竭力防護以盡人事也 七月

諭大學士等曰四十九旂扎薩克遊牧之地甚屬緊要令
派滿洲蒙古兵右衛歸化城兵烏朱穆泰吳喇忒數扎薩
克處兵一萬一千名着于八月起程九月間繞至吳喇忒
遊牧地方後瀚海前適中處駐劄防護此所派扎薩克之
兵著王札木巴尔札布統轄每旂各派協理台吉同往科

爾沁等旗派兵六千名後減二千名盛京派兵五千俱統至科爾沁迤西遊牧地方後駐劄其駐防吳喇忒等處之兵着都統穆森管領前往副都統薩穆哈協同管轄其科爾沁兵著王羅卜藏滾布貝子拉錫公噶爾弼管轄每旗各派大台吉同往盛京兵丁着尙書海壽統轄副都統博第黑龍江副都統多起納協同管轄 四川總督黃廷柱疏報西爐口外瞻對等處番賊官兵次第勦撫 靖邊大將軍傅爾丹奏臣等六月初九日進兵十七日擒獲逆夷已陸續奏聞二十日遇賊二萬餘人連夜交戰殺賊數千

因賊踞山抱險難以仰攻移兵和通腦兒地方誘賊邀擊賊益兵尾追圍困軍營索倫察哈爾歸化城土默特喀喇沁兵丁俱乘機潰逃臣等且戰且走賊人追擊臣傅爾丹等渡哈爾哈納河于七月初一日已至科布多修城地方得旨前據北路都統袁泰等奏報傅爾丹全軍失利彼時傳諭岳鍾琪加意防守今據傅爾丹奏不過兵馬有損傷之處大將軍等原無恙也可傳諭岳鍾琪知之

上諭大學士等大學士忠達公馬爾賽著授爲撫遠大將軍北征先于派出京城兵內挑選一千名輕騎前往圖拉

等處形勝之地駐劄會同喀爾喀副將軍王丹津多爾濟等辦理一切防守事務副都統達爾濟富昌着同馬爾賽前去續着侯馬蘭泰副都統胡琳帶兵一千名前去其餘兵四千名俱着預備停妥伺候調往八旗漢軍內派兵四千名着都統李枝祖秉衡帶往回子部落後面水草茂盛之處駐劄以備調遣 岳鍾琪奏準噶爾全力侵犯北路傅爾丹等被其圍困臣思逆夷必以西路軍營上年遭其騷擾駝馬缺乏難以進擊因有輕視西路之心臣此時統精兵襲擊烏魯木齊伊恐我師直搗巢穴自必撤兵回顧

我軍既挫其鋒卽便旋師休息臣不敢坐失兼虛進擊之
机宜令帶領叅贊提督紀成斌侍郎碩魯公交布都統貝
敦總兵張元佐王緒級等啟行前進報聞 傅爾丹奏臣
等于六月十七日擒獲厄魯特哨探逆夷二十三名供稱
博克訖嶺有賊兵二千駝馬萬餘遣叅贊蘇圖副都統戴
豪率兵三千往剿十八日遣前鋒統領丁壽率兵一千五
百名應援與賊戰于庫里野圖嶺殺賊四百餘名十九日
丁壽蘇圖等與臣傅爾丹合兵一處二十日賊兵二萬餘
從高埠衝突大營力戰一日殺賊千餘遣副都統塔爾丹

馬爾齊率兵二千奪占西山二十一日因賊營險要移營至和通腦兒誘賊邀擊遣丁壽蘇圖覺羅海蘭副都統常祿西彌賴領兵據山梁之東塔爾岱馬爾齊屯守山西副都統承保居中策應叅贊馬爾薩由東路公達福戴豪在前副都統舒楞額土默特公沙津達賴等在後俱保護行營臣統兵繼進移營時賊人列陣衝突丁壽等力戰殺賊千餘忽狂風驟雨冰雹齊至丁壽等遂爲賊圍困二十二日覺羅海蘭潰圍而出丁壽蘇圖馬爾齊俱自盡常祿陣亡西彌賴命索倫兵救援兵俱潰散西彌賴亦自盡二十

三日賊晝夜犯臣大營力戰殺賊五百餘沙津達賴等及
察哈爾歸化城土默特喀喇沁兵一時潰散軍營止存滿
州兵四千名二十四日隨印侍郎永國及覺羅海蘭戴蒙
俱自盡臣等以餘兵退歸賊夷領兵三萬餘四面來侵二
十五二十六兩日力戰殺賊千餘二十七日殿後公達賴
陣亡二十八日渡喀爾喀納河賊夷尾追力戰殺賊五百
餘遂登山嶺分兵二隊臣傅爾丹率德祿承保自右山下
巴賽查爾納舒楞額自左山下臣傅爾丹于七月初一日
至科布多修城處隨遣弁兵往迎未歸諸將惟塔爾岱初

七日負傷回營巴賽查弼納馬爾薩舒楞額今尚未至臣
輕舉妄動以至敗績請將臣正法得 旨朕覽尔等之竭
誠力戰不覺淚下將朕親束之帶賜與傅尔丹繫之賊人
雖來不可輕進迫擊今已授馬爾賽為大將軍到時尔等
公同商酌料理又言賊兵聞暫住阿尔泰山嶺專候噶尔
丹策零之信以決進退 八月命將科布多巴尔庫尔兵
丁撤回察罕叟尔駐劄 西藏貝勒頗羅鼐等奏准噶尔
欲將逆回拉藏之子蘇尔扎立為西藏得 旨准噶尔殺
害拉藏豈有實心將蘇尔扎逆回西藏令代父職之理正

從前策妄阿拉布坦誑襲西藏之故智將此情由曉諭唐古特知之協力防守準噶爾以兵隨蘇馬拉斷不可容留卽迎戰擊賊亦斷不追襲 馬爾賽起程 岳鍾琪奏臣遵旨襲擊烏魯木齊於七月十二日自巴尔庫爾啟行從伊爾布尔和韶經行五百餘里直至穆壘河並無賊夷卡倫至阿察河有賊數百人臣追至阿尔木克河賊三四千人踞山梁官兵奮勇奪取三處山梁賊往西南敗遁殺死賊不計其數臣追趕離納鄰河不遠至烏魯木齊僅兩日程臣于七月二十五日統兵回赴巴尔庫爾 傅尔丹奏

副將軍巴賽查弼納于六月二十八日越嶺至一河俱戰
死馬爾薩至喀爾喀納河相近紅石崖下中鎗陣亡 九
月傅爾丹奏賊人侵犯紅甲舒魯克離科布多城有五十
餘里臣將馬匹收入城中固守得 旨大將軍馬爾賽並
無軍營急務可行文令其緩行前進茲台站已斷或回來
或尋嚴固處駐劄 又奏據侍衛達什爾圖報稱賊人駐
劄紅鄂羅腦兒約有萬人又科布多城外三十餘里有賊
兵五六百往布延土前去報聞 命馬爾賽于歸化城北
翁滾地方有水草之地駐劄 十月馬爾賽奏據章京達

賴報稱賊人越那穆山嶺至自格爾察罕鄂爾格地方將
輝特公巴濟圖爾古特郭莽喇嘛之徒弟及厄魯特王色
卜騰旺布之班第俱行掠去賊兵大半進西爾哈郭畢向
郭多里巴爾哈孫前去又一隊賊兵向杭愛山圖拉前進
總在厄爾得厄招會齊攻取喀爾遊牧又奏原任巡撫喀
西林報稱賊人來至扎克拜達里克城南噶里特劫擄牧
場驛馬又據三十一台至四十二台章京等報稱各台俱
有賊踪係在推河里居住厄魯特王色卜騰旺布及貝勒
多爾濟色卜騰之屬下人乘機擄掠 十一月命馬爾賽

至扎克拜達里克駐劄 以順承親王錫保爲靖邊大將軍傅尔丹管振武將軍事馬爾賽爲綏遠將軍其撫遠大將軍印務多康親王暫行管理

雍正十年正月岳鍾琪奏臣因入冬積雪甚深嚴飭卡倫弁兵不許遠哨詎料防範鏡兒泉副將馬順不遵軍令擅遣遠哨以致遇賊被傷二名衝失一名理合叅奏得 旨鏡兒泉卡倫離軍營不及百里賊來卽至傷失兵丁岳鍾琪是何防範且安設卡倫原爲巡報如雪霧黑夜尤宜加意若止令登城瞭望不許分遣遠哨以爲恐有疏防是必

待賊臨城而後防矣是何軍令岳鍾琪不知自咎僅以副將馬順陽奉陰違爲詞族實不解岳鍾琪等交部嚴察議奏 岳鍾琪言穆壘地方扼要可屯種請築城駐兵二萬可以堵截賊人來路冉于巴尔庫爾駐兵一萬于魯慶谷皮禰等城添兵卒一萬互爲聲援從之 陞杭州織造隆昇爲杭州右翼漢軍副都統 二月大學士等遵 旨議奏白格爾地方在察罕叟尔西南扎克拜達里克正西賊人若由阿尔泰阿尔木克圖布拉罕巴尔魯克畢濟阿濟等路前往額濟內等處俱由此路經過實屬扼要請駐兵

一萬可資應援令建勳將軍達爾濟移駐從之 辦理哈
密事務員外郎永恒等奏正月二十日準噶爾賊兵突來
犯城垣貝子額敏擒獲賊人供稱領兵係色布騰策零那
木扎爾等由烏魯木齊前特遣兵六千來掠哈密牲畜報
聞 旨宜加意防範毋稍怠忽

諭大學士等費雅恩哈伍什巴著往推河與侯馬蘭泰一
同領兵駐劄 岳鍾琪奏正月二十三日準噶爾賊占據
天生圖山口駐劄塔爾那沁提督顏清如遣副將朱彪前
赴三道大阪防範馬廐隨即督兵守城自辰至酉賊人始

退二十四日朱彪至白楊溝與賊對敵賊退敗隨遣副將張經綸領兵出城禦敵賊出西南原路而逃

上諭定齎戒懸牌之例自此始 岳鍾琪言臣令總兵高

勦副將紀成斌等率兵應援哈密于正月二十七日將至

二堡遇賊五千餘交戰一晝夜二十八日四面進攻從卯

至午殺傷無數奪其馬匹牛羊并救出兵丁及漢回商民

數百餘賊敗遁二十九日高勦由二堡至柳樹泉與總兵

張豹哈密副將焦景綰塔爾沁副將陳經綸合兵追勦隨

知會副將軍石雲倬常養署鎮安將軍卓鼐等派兵于無

克克嶺南山足梯子前一帶截殺 旨嘉獎 部議叅贊

陳泰照例處斬秋審擬爲情實依命下再行正法以傳不

丹進剿時特授兵二千令在科布多河岸駐劄一間索倫

逃兵言卽畏懼領兵回白扎布韓也 岳鍾琪奏叅副將

軍石雲倬等至無克克嶺適賊人在山口二十里屯駐乃

觀望不前以致賊人出塔庫納庫一路逃回尋議石雲倬

革職交岳鍾琪同常賚卓鼐等詢明確供解京究擬從之

上諭穆壘築城改至六月夏秋愼密妥辦 命福建總督

劉世明馳驛來京請訓 旨前赴軍中 又諭石雲倬已

革職貴州巡撫張尙涇請軍務著馳驛來京面請訓

旨前往軍營爲副將軍 三月大學士等參奏岳鍾琪奏

報賊人敗遁及台站牧廠情形諸摺情詞互異前後舛謬

得 旨該部嚴察議奏尋議玩忽縱賊致剗剗牲畜久塔

庫納庫遁歸應削去公爵並官保銜降爲三等侯久之

四月廣督鄂彌達疏言總督向駐肇慶府所以控制兩粵

今廣西已歸雲貴總督轄而廣東一省廣州爲適中之地

請移駐廣州詔如所請 軍機大臣議覆黑龍江將軍卓

丕海請於呼倫地附近之濟拉嘛泰河口處種地築城遷

兵移駐設立卡倫十處從之 五月以山東衮州東昌二府雨澤愆期貧民乏食命將各部學習人員及國子監選拔貢生內揀選十數員或二十員帶領引見發往山東交巡撫岳濬以備委辦賑濟之用 授護軍統領阿思海爲前鋒統領往西路軍營管轄滿洲兵侍郎武格授揚武將軍統轄巴尔庫爾劉世明授副將軍統轄巴尔庫爾綠旗兵與武格馬會伯商酌辦理 閏五月議敘陝西宣諭化導官右春坊右贊善錢陳羣等五十一人分別陞轉有差 岳鍾琪報賊入塞桑額爾克得松領賊二千分東

西三路來犯哈喇火州城叅將劉延炎遊擊李英等敗走
之 福撫趙國麟奏台灣北路大甲西番不法殘害官兵
經總兵呂瑞麟道員倪象愷已將脅從等社撫定續有鳳
山縣南路奸民聚衆傷兵經提督王邵追剿解散今現在
嚴緝首犯吳福生其大甲西番土官率令全社就撫 署
雲貴廣西督高其倬奏雲南普洱府屬思茅土把總刁興
國勾結苦葱蠻悖叛煽動元江夷人圍攻普洱府又通
大寨擺夷附和苦葱過阿黑江直犯他郎地方元江把總
康天錫陣亡臣調遣東迤西兵令總兵董芳由元江乘東

兩路進剿報聞

七月山東撫岳煥報鉅野縣民李鳳家

牛產瑞麟磨身牛首遍身皆甲甲縱有紫毫玉定文頂光

彩爛生請宣付史館詔示中外得旨山東前歲被水今

聞產瑞麟實深愧悚該撫所請皆屬虛文可將朕朝乾夕

惕對越在天之惻忱曉諭天下知之諭岳鍾琪辦理總

不妥協着回京寧遠大將軍印務着查郎阿署理副將軍

着張廣泗暫行護理查郎阿年來事事人宜克勝大將軍

之任但肅州路遠未便來京請訓特命大學士鄂不泰馳

往傳諭陝西督印務及所辦軍需事着直督劉於義前往

署理又諭據靖邊大將軍順承親王錫保奏七月十三日賊犯烏孫珠爾處傅爾丹等接戰數次敗賊前隊又賊後隊全至我師失利等語去歲傅爾丹冒進損傷特恩寬免其罪理應力報効何以又致債事倘因賊眾我寡相機回營尙屬可原若係輕躁懦弱卽應嚴加議處著順承親王據實陳奏山東巡撫岳濬奏慶雲棒日請宣示中外八月順承親王奏從準噶爾前赴厄得爾河源偵探已確議于奔博圖山嶺發兵八千堵截于七月二十一日起程西路副將軍張廣泗等奏臣抵穆疊見地處兩山

之閒形同釜底焚敵甚易據守甚難查巴尔庫尔地處平原南北兩山南山綿亘數千里直至伊里北山漸折而西南至濶舍圖與南山鎖合爲巴尔庫尔之關鍵再西出烏蘭烏蘇口則北山已斷南山之北卽屬沙磧請于濶舍圖駐重兵濶舍圖以西之烏蘭烏蘇口南山一帶之陶賴無克克嶺北山一帶之小濶舍圖色必忒鄂龍吉察罕哈嘛尔鏡兒泉及運糧台站經由之噶順吳尔圖哈必尔慎等處俱各駐兵則與巴尔庫尔大營形勢通聯可免賊人窺伺但宜迅速舉行交冬降雪則賊人出沒萬難籌畫得

旨尔泰甚明著速辦理 張廣泗又言臣見岳鍾琪調度
兵馬籌運邊餉以及統馭將士之處多屬乖方不敢不據
實列奏

上諭上年據岳鍾琪奏稱巴尔庫爾屢被賊人侵擾穆
形勢實爲萬全之地願以全家性命保其有益無害今張
廣泗所奏如此則岳鍾琪欺罔之罪擢髮難數矣張廣泗
等必有真知灼見聽其酌量辦理務須妥協 北路副將
軍王丹津報稱八月初五日在克尔得尼招地方連擊賊
匪追至大山梁間殺賊萬餘賊眾逃往鄂尔昆上游

河而去。恭贊內大臣侯爵蘭泰奏報八月初九日賊三千餘犯西爾哈招臣等出城迎擊殺百餘人賊大敗次日追至那墨泉尔地方賊連夜遁去。

上諭劉世明命爲副將軍授以巴尔庫尔領兵之重任豈知伊苟且瞻顧退縮不前着革職交與署大將軍于領兵艱苦處効力贖罪。九月諭朕以馬尔賽之祖圖海功績

令所襲之二等公爵加爲一等擢用爲大學士授大將軍乃伊在口外第八台聞科布多地方準賊消息便曰怯懦奏請往歸化城朕猶寬恕授爲將軍令往札克拜達理克

頃準噶爾賊衆來犯察罕叟爾之大兵直越枕愛搶奪喀
爾喀等部落王丹津多爾濟策零桑贊塔爾岱等尾追至
鄂爾昆之厄爾得尼招大敗賊衆胆裂奔散大將軍已劄
令馬爾賽會同達爾濟截殺今據叅贊胡琳叅奏一聞賊
衆推河信息將軍達爾濟等卽整齊兵丁前往截殺而馬
爾賽並不發兵傳聞請兵至于跪求決不允許至十三日
因臣等起程馬爾賽不得已同行至半路而回等語馬爾
賽誤國深負朕恩國法軍法俱難寬宥今已行令明白具
奏俟回奏時將馬爾賽正法之處另降諭旨 廣東總督

鄂彌達奏臣于巡撫任內有安南番民鄧文武等五十六人遭風飄入廣東銅鼓角海面臣給印文及路費送歸今伊國王寄到伽南沉香生絹棕竹胡椒燕窩魚翅海參鮑物爲諸臣却還不受 諭曰辭讓不受爲是仍須婉言獲之庶爲得體 十月革岳鍾琪職交兵部拘禁以其軍務廢弛防禦追擊屢失机宜也 十一月以寧古塔將軍常德爲靖邊大將軍之副將軍 鄂爾泰言肅州嘉峪關金佛寺堡之所管汛地方南山隘口抵木魯郭迤里而西有硫黃口一座周圍四五十里疆產硫磺並無番夷牧住依

法煎熬合算人工運費每淨礪一斛計值五分而出產甚
多請委員開採以利軍需從之 十二月命將馬爾賽于
札克拜達里克軍營正法 大學士伯督巡陝甘經畧軍
務鄂爾泰奏北路逆賊在厄尔得尼招被我兵大敗向推
河逃去查畢濟一帶乃逆賊必由之路中間有亥他馬哈
之沙磧係畢濟要隘離巴尔庫尔不過三百里臣隨咨行
護寧遠大將軍印務張廣泗令其挑選精兵交前鋒統領
阿思海總兵官張存孝卽日前往堵截 張廣泗奏八月
二十八日臣與署鎮安將軍卓鼐等將大營全撤自穆通

起程于三十日已歸濶舍圖但細閱地方難以久駐臣等
不敢固執前議請將大兵盡行撤回巴尔庫爾惟于附近
緊要處酌量安兵駐守並請將勒太津塞木津漢墩三處
分駐兵撤回歸併魯慶谷哈喇火州皮禪洋海四處分駐
三處回民亦移至魯慶谷等城內報聞 鄂爾泰條奏邊
地屯田事宜五條從之

上諭據順永親王錫保奏傅尔丹在烏孫珠并不整備官
兵預籌堵禦之策輒輕調官兵進擊致悞軍机石革去公

爵并領侍衛內大臣振武將軍

十一年正月免官罪
留軍營效力贖罪

張

廣泗奏臣等干八月二十八日自穆壘撤兵令總兵官王
緒級等帶兵四千五百餘名由南路往陶賴無克克搜濟
等處駐劄又派總兵官張元佐等帶兵四千餘名由北路
往鏡兒泉噶順察罕哈麻爾等處駐劄臣與副將軍常賚
領兵六千餘名由中路行過噶順溝于初十日抵巴爾庫
爾駐劄其南北南路兵亦各抵駐劄之處報聞 鄂爾泰
奏邊地屯田查肅州城南九家審荒地一區土高無水九
家堡之北上賽中賽水堡上監水等四堡俱係熟田亦因
水源不足兼有漏沙每歲薄收請于上流鑿山開洞引于

人俱之水逆流而上以避沙漏則九家密荒地可墾上登
等四堡熟地更可豐收從之 以劉世明署甘肅提督

吏部侍郎祭酒孫嘉淦引見期滿教習人員奏對失實

上諭孫嘉淦于雍正元年尙係檢討朕看其人似屬樸誠
屢加迂擢數年間官至侍郎方望其殫竭誠心爲國家効
力乃偏執自用從前屢有陳奏皆迂濶瑣碎不可見之施
行朕訓其開拓識見至近日則絀默不言矣伊爲祭酒乃
瞻顧私情將親弟孫揚淦荐爲監丞行事乖張士論不服
以致孫嘉淦聲名大損國子監教習自應分別用舍以示

檄勸卽稱職人員之中有可膺牧民之寄者亦有可勝司
鐸之任者是在祭酒秉公陳奏始免冒濫名器用違其材
之弊今于引見教習時遽稱宋鎬一班六人俱屬可用及
朕詢問忽稱方從仁實不堪用任意反覆顯係欺罔着革
職拿問部議照挾詐欺公律擬斬 旨免罪着在戶部銀

庫効力 命拏解揚武將軍工部尙書武格來京嚴訊以

在軍前捏造撤兵之說惑亂軍心也

十一年五月刑部擬斬決旨改秋審

福督郝玉麟報台灣北路大甲西番等社兇苗不法官兵

進剿尅期寧謐 旨嘉獎

東華錄卷之三十二

湘源蔣良騏干之父

雍正十一年正月命鄂爾泰往北路軍營經畧軍務設

西安兵備道一員命海望李衛往浙江會同程元章相

度海塘工程給直省書院膏火銀四川建昌總兵官

趙儒䟽報紫古別兒斯堡等處賊番不法殺害廠員臣率

官兵進剿克寨六十餘擒獲首克于十二月撤兵旨嘉獎

二月封皇四子爲和碩寶親王皇五子宏晝爲和

碩和親王三月命西藏及乂木多各留駐防兵五百名

餘俱撤回。副都御史楊汝穀疏言鄉會試頭場有初十夜宿場之例時刻太寬恐倩人代作請嗣後宿場舉子除習五經者篇數繁多仍照原號其專習一經者令監試提調官傳于至公堂謄寫並令書誦以判真偽再硃卷彌封後例用不全字號印卷面如天大亦木等字缺筆難辨易淆請嗣後紅號仍用全字庶官易稽查下部議行。侍講學士張廷璩疏請嚴禁賭具責成同居父兄伯叔互相覺察容隱者照竊盜同居例治罪出首者除不連坐外本犯罪准酌減。旨嘉獎交部議敘。四月軍機大臣議覆

郎阿察奏專派駐劄搜濟副將紀成斌抗違玩誤駐劄無
克克嶺總兵張元佐任意疎忽一任賊人藏往亂山在搜
濟卡倫白鶴溝等處劫掠糧草及車戶人等由陶賴巴爾
庫爾逸去得 旨紀成斌着革職尋刑部議上得 旨紀
成斌軍營處斬張元佐降三級留營効力 五月雲貴廣
西總督高其倬疏報普思逆賊刁興國等叛逆不法臣檄
提臣蔡成貴總兵楊國華等統兵攻剿刁興國及土目楊
昌祿等擒斬梟示招撫男婦四萬二千六百餘人此外未
獲逆賊據險負固現飭嚴剿窮搜 軍機大臣議鄂爾泰

奏明歲大兵前進噶爾丹乘機攻剿今歲交秋應緩行至
科布多等處每人給兩月口糧用官駝載往其餘八月口
糧須用八萬石應交范毓麟陸續運往並請欽定掌管副
將軍印信之人得旨靖逆左副將軍印務著額駙策凌
掌管右副將軍印務著塔爾岱掌管副將軍常德著與策
凌同行議政大臣永福授爲內大臣著與塔爾岱同行
六月廣西撫金鉉疏稱僸林所屬之富民鄉藤厘坡忽湧
瑞泉二穴味甘色清足灌田三千餘畝旨著建神廟奉
祀泉神命辦理軍機大臣尙書性桂內閣學士雙壽往

北路軍營與原任侍郎巴泰協理軍需事務 貴州提督
哈元生疏報進剿九股頑苗擒獲首犯一百九名餘皆投
誠安插 營田觀察使陳儀奏報六月二十三、四等日大
雨如注山漲驟發豐薊一帶田禾淹潦民房倒塌 調尹
繼善雲貴廣西總督先是雲南思茅土把總刁興國等滋
事前督高其倬擒興國餘党尙未解至是伊繼善奏言元
江臨安賊勢猖獗臣調崔麗蹟總兵楊國華領兵往元江
與臨元鎮總兵董芳協剿賊潰匿腊縱我軍遣謀入賊寨
舉火奮勇衝入斬賊首三從賊百餘生擒六十九 七月

廣督鄂弥達疏言各標協管及舖戶行匠所用硝磺向由布政使給票買運據布政使甘汝來詳改由總督衙門給票稽察較爲嚴密得 旨允行永爲例 命多羅平郡王福彭爲定邊大將軍討逆賊噶爾丹策零 川督黃廷桂奏報監亭縣牛產瑞麟 八月查郎阿奏報逆賊噶爾丹五千餘人來侵庫爾墨圖山地方被我兵擒斬未脫一騎 旨嘉獎 大學士管掌院事張廷玉遵 旨議奏新科庶吉士恩給廩餼每月給銀四兩五錢器用什物工部支取並撥給官房一所爲教習館令肄業其中從之 九月

河東督王士俊糾叅河南學政俞鴻圖納賄營私得 旨

革職嚴審 刑部議查郎阿叅奏總兵曹勦領兵哈密縱

賊失機 旨軍前正法 諭祭賢良祠大學士張英于本

籍淮大學士張廷玉馳駟回籍舉行典禮賜帑金萬兩爲

祠宇祭祀費並賜冠帶衣裘及貂皮人參等物頒內府書

籍五十二種與其家 雲督尹繼善奏言元臨內地現雖

平定而攸樂思茅餘孽未靖臣調兵剿捕念內地遼濶兵

到勢必奔竄酌出東西兩路各路兵分勦事竣再分遣土

練沿江堵禦以防奔軼令投誠賊酋才輔國等隨軍効力

今已攻破賊柵十五寨招降夷民八十餘寨其遁匿餘黨
分路圍剿務在廓清臣維攸思一帶非元臨內地可比非
兵不足示威恃兵又無以善後所期恩威並濟揀縱得宜
庶邊圉永寧矣

諭曰剿無名雖二事恩威用豈兩端當撫者不妨明示優
容當勦者亦宜顯施斬馘俾共知順則利而逆則害方可
期近者悅而遠者來今此目前攻心之師卽寓將來善後
之舉是乃仁術非開詐謀寧止綏靖普思將見信孚莽緬
也識之 十二月

諭內閣朕因浙江海塘關係緊要特令杭州將軍阿里衮副都統隆昇會同該撫程元章督催辦理近聞堵塞尖山開挑引河查看數次但以行文調取閩省善水之人試探爲辭若工實難施亦應及早奏聞何得半年以來尙無頭緒着傳諭及時修築毋得仍前怠忽

雍正十二年正月命公博尔屯同副都統緯尔多額紅郭尔鄂隆兵往烏理雅蘇泰軍營聽大將軍調遣 工部議覆直督李衛議奏豐潤營田觀操使陳儀條奏一玉田豐潤等處圍田爲雨淹旨請查明殘缺堤岸動帑修補一節

運河堤工緊要請加高培厚一小河爲橋樑藍果一二河會
流舊有民埝請加修築並疏濬鴻橋一河河深塞外東流
與蘆運會合南北兩岸險要請設歲修銀兩預備椿埽一
對河東岸乃玉田民埝請加倍防護一還鄉河性駛流曲
豐玉堤埝多被漫決請設歲修銀兩一陡河卽館水由煤
河又豐潤至石家沽以下河窄流紆兩埝卑薄請悉展挖
卽以所挖之土增築兩堤從之 定邊大將軍福彭奏軍
中駝馬最關緊要現今喀爾喀薩克諸藩臣進獻駝馬
况臣等宗室如諸王貝勒貝子八等皆有馬廠滋生馬匹

臣家馬五百匹情愿自送軍前備用伏乞恩准並將臣摺
交諸王等閱看允之 二月大學士等議奏浙江海塘工
程前奉諭旨令該督程元章等先築土備塘一道堵塞尖
山水口漸決改建石塘并于中小疊開挖引河分淺江流
以減水勢今該督奏稱尖山水口勢難堵壅引河亦難于
開挖查海塘關係重大應令該督再于中小疊詳加踏勘
妥議具奏至于尖山水口實係海塘受患之由若不堵塞
則每年亦徒費錢糧應交該督預備物料俟冬初水落設
法奉行得 旨程元章毫無確見着將海塘工程交杭州

將軍副都統隆昇總理令御史徐武前往協辦文武工員
俱聽隆昇棟調其物料錢糧仍着程元章料理 諭棟大
將軍平郡王奏塔爾馬善等進剿行至額爾齊斯河見逆
賊人衆牲畜盡行收去遂領兵暫回所有怯懦情由已經
移咨飭行朕思逆賊旣已探知先行移避卽令深入干事
何益平郡王飭行殊爲過當王大營現駐迤東離行軍處
甚遠額駙策凌身在彼地逆賊虛實知之必悉嗣後係策
凌承辦事件俱聽伊總理 以額駙策凌子台吉成衮札
布署理喀爾喀副將軍印務 三月大學士等覆奏杭州

副都統隆昇奏海塘工程命臣總理查得河莊等山之東舊有南港河一道舟楫可通今西首淺淤者僅十五里挑空甚易所費亦輕據旅員兵丁情愿効力等語應如所請合募夫施工無庸資籍駐防兵力從之 大臣等議據署寧遠大將軍查郎阿疏叅副都統阿克山觀音保所管馬匹倒斃走失十分之六得 旨觀音保卽在軍營正法阿克山在巴尔庫爾城枷號秋後處決尋查郎阿請將二人暫停正法俱在通衢枷號從之 刑部議河南學政俞鴻圖罪得 旨着卽處斬學政督撫同在一省優劣未有不

知嗣後有考試不公徇情納賄者經朕訪聞該督撫亦必照溺職例嚴處尋以俞鴻圖父戶部侍郎俞兆晟不能教子及家人曹楷來往京中會銀情然罔覺著革職嚴審

廣督鄂彌達請增設龍川縣巡檢及平遠縣填頭司西寧縣懷鄉司夜護司巡檢各一裁都城司巡檢從之 雲貴廣西督尹繼善奏報普思土賊猖狂臣檄將弁進剿擒斬首惡神仙喃奔等二百餘名招降八千餘名攸樂思茅一帶俱蕩平 旨嘉獎 軍機處議奏喀爾喀公噶木丕尔于上年冬月嚴寒之時領兵過阿爾泰山嶺開通雪路百

餘里直抵察罕胡濟爾等處賊衆驚潰棄輜重奔逸當經
擒獲男婦馬匹牲畜等物振旅還師甚屬効力應註冊議
敘從之 順天學政吳應棻疏言入旂生員歲試不到甚
多如概除名則將去大半若任規避則徼倖一矜覓成游
惰且八旗人材英敏果奮發砥礪不乏超羣之士若自量
文理不能上進卽當勤習弓馬豈容廁名膠庠優游無事
此後如果駐防隨任者令本旂查明知照學臣或發教官
造冊申報倘仍無故不到照例斤革又定例歲科兩試文
武童生出縣考取造冊送府惟大興宛平童生止憑審音

並不衡文去取請照例由縣審首考試再造冊送府照例
歸畫一而假冒項替之弊可杜

上嘉其奏均下部議行 雲貴督尹繼善奏貴州新開苗
疆八事一台拱舊營改建于歐家寨一陞台拱營爲鎮移
清江鎮總兵駐之置中左右三營設遊擊守備各三千總
六把總十二降清江鎮爲協設副將統原設左右二營一
移清江同知駐台拱增鎮遠府理苗通判駐清江裁天柱
縣縣丞並補秉縣主簿駐台拱一歐家寨河可達下秉疏
請以運台拱糧運一台拱增兵糧各鎮協營精練撥補一

各寨荒田諭令復業一清查九股苗寨界址擇舊苗目之
良善者按寨大小酌定鄉約保長用長約束稽查一古州
清江界之朗硎地方分設塘汛令文武官并巡行化諭部
議從之 四月直隸河督顧琮奏永定一河全賴下口深
通庶上流暢注入淀乃陶河以南漸積淤淤正議挑濬仰
蒙天賜引河開刷二十餘里有四十餘丈之遠不勞民力
悉出天工得 旨展祀河神以答靈貺 禁廣東進象牙
簾以其過于華麗也有自海洋來者禁止勿售 五月先
是果親王允禮劾奏協辦大學士總理戶部尚書彭維新

植党營私壞法欺公等款一將彭燕貽秦休四十九僧保等濫行保舉一私借戶部存公銀一千八百兩一倒提年月爲周本淳指監一將費揚古已人井田之地違例撥還一例應歸旂之劉大等准人民籍一達不濟等應納買地銀兩代爲延緩一遺失小票之監生陳彥拭仍給部照一徇庇四十九承買官地一李樹德入官家產行文暫停變價一沉攔呈堂稿三十一件一袁大偉謝昊不准寬免之稅項批令行查一受許秉義衣帽紗緞疏入 詔革職交部審擬尋議私借飯食銀一千八百兩照監守自盜例斬

監候至是

上諭彭維新受朕深恩不次擢用爲戶部尙書且令辦事
內閣數年來所以委任優待之者至深且厚伊苟具有人
心必無忍于背負之理況伊歷任庸碌不及朕誤視爲過
予拘謹限于才力種種將就今在戶部衙門輒敢徇情作
弊植黨營私將怡賢親王殫忠竭力多年經畫之良規任
意更張甚屬可惡今刑部福敏張照等審訛此案竟敢懷
挾私心公然在朕前巧于舞弊將應行詰問根究之處一
概朦混開除反將挪用飯食銀一條擬以大辟似此輕重

出入之間顛倒錯亂高市其手朕實不料福敏張煦等職
司刑官而敢于爲此詐僞欺朦之舉也此案着交刑部堂
官另行確審定擬具奏倘仍敢固結徇隱朕必親自審訊
將刑部堂官與彭維新一體治罪尋奏維新居心巧詐賦
性貪鄙植黨營私貪賍壞法或背旨以市私恩或徇情而
誤國帑妄作威福收支留難擅用官銀沉擱部務甚至將
國家定例並怡賢親王在戶部歷年整理經壽之良規肆
行變亂任意更張法實難實情尤可惡查律載官吏挾詐
欺公變亂成法者斬監候維新應治罪加律從之 停止

進兵命大軍擇科布多相近形勢之地分駐游牧 諭今
年停止進兵遣使前往宣示利害賊衆知惧求和卽行定
議完結賊若游移推諉則整備大兵明年進剿北路副將
軍額駙策凌侍郎傅鼐學士阿克敦衆佛保西路署大將
軍查郎阿俱馳驛來京着平郡王帶領傅尔丹暫住科布
多總統弁兵辦理西路軍營交張廣泗辦理 吏部議副
都御史鄂爾泰奏滿給事中員缺請照漢給事中之例俱
以御史轉補從之 從前滿漢給事中俱以員外郎陞用 六月河東河道總
督朱藻奏河南考成縣劉家店舊有河身二道每遇汎發

大溜注射堤工欲取直順行必須開挖引河令自劉家店西至新莊東添開引河一道兩岸堤工如同磬石下部知之戶部覆內閣學士凌如煥條奏查報懇地畝陞科定例水田限六年旱田限十年而有司奉行不實或墾少報多希圖議敘及至陞科之年按冊有餘按畝不足報墾官已邀敘典接任官豈甘賠墊勢必千里甲中均派飛洒以求足額請令該督撫另調隔屬賢員履畝勘實與所報之數相符取具印結報部然後准其議敘倘有捏造督撫將原報官及出結之員一併叅處應如所請再從前各省所

報或壘少報多濫邀議敘及陞科之後虛額賠墊亦未可知應令督撫查核奏從之 朱藻奏開封府祥符縣南莊北莊等處河灘適中之地水勢直趨刷成引河一道化險爲平下部知之 七月命果親王允禮往泰寧經理達賴喇嘛住藏因聞直隸山西陝西四川四省兵 諭額駙策凌查郎阿回軍營令將兵丁酌留防邊外其餘有勞績被傷並無兄弟子姪者俱撤回 八月遣侍郎傅鼐額外閣學阿克敦副都統羅密前往準噶爾宣諭台吉噶爾丹策零以寬大之恩開其迷誤畫清邊界不得踰越 尹繼

善奏官兵進剿元江臨安普思一帶逆夷悉平 九月酉

路副督軍張廣泗奏九月初四日吳爾圖水有賊數百人

藏匿臣飛飭副都統班第達什總兵張元佐遊擊郎廷業

於初五日夜齊赴喀桃以南蘆草溝一帶復飭提督樊廷

赴鹹泉子分路搜勦果于喀桃遇賊我兵奪據山梁連敗

賊衆遂越過噶順直抵鄂親吉大阪計斬四百餘級擒三

十六人獲馬匹器械餘賊遠遁 旨嘉獎 福彭奏北路

官兵遵旨于九月初六日自科布多軍營撤回俟大軍齊

集過冬地方酌遣分駐各處報聞 十一月九禩卒于高

增 副都御史楊汝毅奏言向例軍功紀錄一次加一級俱作尋常一級抵降不爲平允請嗣後軍功紀錄二次抵降一級軍功加一級抵降二級其抵俸以軍功紀錄一次抵罰俸一年從之 廣東督鄂爾達疏言欽州屬之東興街思勒洞地近安南民夷雜處且多私販請于龍門協酌撥千把總一兵五十防守移本州州判駐之再于該協抽撥隊日一兵十七防守思勒洞令廣州府同知就近彈壓均如所請行

雍正十三年三月湖廣總督邁柱奏准改容美土司地爲

州其所属五峯司地設縣治改彝陵州爲府尋定新改府
曰宜昌附郭縣曰東湖谷美所設州曰鶴峯五峯所設縣
曰長樂並原立之直隸歸州長陽興山巴東皆隸焉又於
恩施縣建府治曰施南設宜恩來鳳咸豐利川四縣 四
月命廣東總督鄂爾達兼轄廣西仍駐肇慶府 辦理軍
機大臣遵 旨議奏北路軍營官兵臣等會同副將軍常
德詳加籌畫應如新近派往之滿洲蒙古綠旗兵丁內選
留二萬名分駐各形勝地方其餘盡行撤回原處鄂爾坤
等處去年更換綠旗兵八百名仍留種地得 旨北路軍

督駐兵二萬之處可密行文大將軍平郡王今噶爾丹策
零雖遣使求和而疆界尙未定議不可深信俟準噶爾傾
心歸順始可酌量撤兵若駐兵不敷禦敵之用則不如不
駐兵矣俱兵數大多未免耗費國帑務須詳悉籌畫此二
萬兵能否禦敵之處著大將軍副將軍等公同妥議密奏
諭上年廣東總督鄂彌達巡撫楊永斌奏稱開採以資
鼓鑄于粵民生計有益旋經議行後復有人極言其不應
行著該部卽行文該省停止 閏四月雲貴督尹繼善奏
稱台拱古州南鎮現今合剿奸苗其事起于奸苗圖騙銀

錢造言誑惑古州文武官不能善爲彈壓一聞聚集不卽擒拏鎮臣韓勳擊散苗衆不卽追擒致令蔓延俟事竣詳查具奏報聞 阿克敦傅鼐等回京奏稱噶爾丹策零請將哲爾格西喇呼魯蘇爲我喀爾喀游牧地界並繪圖呈進

上密寄北路副將軍策凌詳悉定議尋策凌議奏往者喀爾喀游牧尙未至哲爾格西喇呼魯蘇應如所請行至彼處厄魯特游牧必以阿爾台山嶺爲界若游牧逼近防守實難斷勿令過山嶺

上從其議旋據準噶爾遣使珥納木喀齎表進貢降旨諭
定疆界使之齎回留駐巴爾廬爾兵丁著內大臣常賚總
統提督顏清如原任尙書馬會伯協同辦事總兵張朝良
楊琬管領兵丁其留駐哈密兵丁者查郎阿酌派大員管
領 大將軍平郡王遵 旨議奏北路軍營事宜應留滿
洲蒙古兵二萬名餘各撤回原處得 旨平郡王著暫留
統轄 五月諭湖廣督邁柱等奏報台拱逆苗不法黃平
施秉一帶地方俱遭擾害着邁柱及提督董芳再發兵二
千名協力嚴剿至賊苗敗遁還巢勢必攻打古州等處着

廣西撫金鉉提督霍昇卽派精銳三千名以二千名由
江一路逕到黎平進古州背後應援彈壓以一千名由河
路至平宇一帶防範下江以備調遣 授貴州提督哈元
生爲揚威將軍諭將清江台拱上下九股凶苗及內地倡
首附近逆惡諸寨痛加勦除務盡根株 軍机處覆兩廣
總督鄂弼達奏稱派撥督標兵二千名合左江總兵王無
党領赴古州按剿又調廣西撫標兵五百名於黔粵交界
汎地彈壓從之 命果親王允禮皇四子寶親王皇王子
和親王宏晝及大學士鄂爾泰張廷玉戶部尙書公慶福

尙書魏廷珍憲德張照徐本靜統李禧甘圖壁侍郎呂耀
曾俱辦理苗疆事務 查耶阿奏噶尔丹策零現今遣使
齎表求和軍營滿洲蒙古兵應行撤回者侯噶尔丹使臣
回後請按程挨次分隊行走令原管之將軍副都統等管
領將嘉峪關抵肅州各回該處至綠旗兵丁現共一萬四
千餘名已挑選留一萬一千內將一萬駐劄巴尔庫爾一
千添防哈密其餘俟滿洲蒙古兵起行後亦挨次令各管
原管大員帶領進口報聞 哈元生等奏古州逆首不法
四月三十五月初一等日副將紀龍周儀署叅將哈尙德

崔傑等領兵分路擊殺逆苗斬獲無算驛路開通黃平一帶地方居民復業 旨嘉獎 六月軍机議查郎阿等奏西路駐兵事宜一巴尔庫爾與哈密中隔南山大坂聲息不能驟通與其分駐于兩處坏著合駐于南山應將留駐巴尔庫爾之兵二千名原駐哈密其哈密原議之二千名再添一千名共五千名此五千名應駐哈密三千其西之三堡沙棗泉東北之塔爾那沁各駐一千一軍營馬駝哈密炎熱牧處甚少應于播種後撥哈密塔爾那沁沙棗兵合二千至北山招莫多胡吉爾太沙山子鹿心山等處游

牧并添設斥堠俟交冬仍回山南將斥堠撤回一南山大
坂爲哈密北面屏障應于駐兵內撥兵分駐柴道上小堡
於鹿心山松樹塘烏闌特木尔斯畢留大坂等四處各設
斥堠至于無克克嶺爲三堡沙泉要隘應于駐兵內派
撥安設無克克嶺上小堡於搜大坂白楊溝羊卜納錫納
腦見三處各設斥堠其塔爾那沁應于駐兵內派撥安設
河源小堡於莫艾舒魯孫大坂二處各設斥堠一留駐巴
爾庫爾兵丁已歷七載應令全撤查安西鎮標及瓜州兵
現駐防哈密一千名外應卽于安西兵內派撥四千名赴

哈密駐防以均勞逸從之尋又議就近于肅鎮甘提西寧
鎮安西鎮各撥一千合足五千更番迭戍哈密派提督一
員駐劄授湖廣提督董芳爲副將軍與哈元生辦理剿
撫機宜以逆苗仍盤踞山梁故也

上諭查楚兵五千原係董芳所轄應聽董芳調遣而粵東
粵西兵八千名前進古州若古州等處無庸八千全數所
餘之兵應併令董芳統率調遣至哈元生現住楊老地方
其上游調來之滇黔漢土官兵一萬數千餘名應聽哈元
生統率調遣與董芳分領夾攻毋致耽誤至內地清理之

後哈元生卽應酌帶各省鎮弁前進苗疆勦撫而內地各寨應彈壓安置并於附近苗疆要隘駐兵應援之處應令董芳辦理其所辦事件兩人互行知會並令知會撫定苗疆大臣張照等及該督撫再查官兵已陸續到黔理應速清內地急援清江乃內地逆苗仍然猖獗而清江施秉猶未聞通且文移往來猶從僻路遞送此中情由或係兵力未齊或係逆苗阻截應令張照哈元生等據實具奏又查調撥楚省官兵赴黔原爲保護城汛剿禦逆苗之用今貴溪被攻旣急鎮遠相去甚近何以鎮遠文武坐擁楚兵一

千八百之多竟不分撥救援以致縣城失守應令張照等
一並查奏 軍機議總理青海番子事務德齡等奏哈爾
塔圖駐劄西寧大通綠旗兵二千現遵 旨議撤但噶斯
一路設卡探信防護青海蒙古游牧地方甚屬緊要應于
青海札薩克派兵二千名預備策應在內挑選精兵二百
並綠旗兵一百在得布特里伊克柴且木等地方安設台
站卡倫按年換班從之 大將軍平郡王奏北路軍營撤
兵事宜京城滿洲大營等兵各給馬匹口糧於六月中陸
續起程各回營汛報聞 七月

諭內閣前聞浙省海塘于本年六月初二日風潮偶作衝決甚多統因數年來經理官員將舊日工程不隨時修補以致脚根空虛隆昇與程元章等意見不合汪瀞張坦麟但知隨聲附和顧國家之前因虐使民夫尅減石料經朕申飭畧知收斂然每石萬觔尙減價六七折不等欲符原估六萬之數責令石匠包賠以致逃亡誤工朕不惜數百萬帑金冀以保全一方民生而各官懷挾私意不知爲國爲民宜乎上天垂象以示儆也目今秋汎正大一切修搶保護事宜俱交與隆昇程元章汪瀞張坦麟等悉心

料理倘仍蹈前轍再有疎虞致傷田廬民命必將伊等從重治罪郝玉麟既不據實奏聞亦不能置身事外 廣西提督霍昇總兵王無党等率兩粵兵七千餘名陸續已到古州分兵前進入寨剿殺逆苗七次斬獲甚多現與古州總兵韓勳酌議分撥進剿 令督撫轉飭州縣官嚴禁酒肆不得沽酒與軍營撤回之兵丁違者責懲 調派保定兵二千及熱河浙江湖廣四路回營兵各一千往常德辰沅等處分駐彈壓命都統甘圖等統率料理以湖南緊接黔省之思南鎮遠等府也 刑部議革職甘州提督劉

世明等縱兵爲盜膏腴侵帑各案請擬斬立決從之 大
學士一等伯鄂爾泰疏請罷斥並削去伯爵得 旨古州
苗疆一案从前鄂爾泰以爲必應征剿彼時苗民相率向
化功成迅速朕心嘉悅特錫伯爵乃平定未久卽數次蠢
動近則直入內地焚劫黃平一帶郡邑居民受其擾害朕
詢問情由鄂爾泰亦以爲出於意外是从前經理本無定
見布置未協所致則朕一時之輕率誤信亦無以自解國
家錫命之恩有功則受無功則辭古今通義著解大學士
任削去伯爵並給假養病仍食俸 命大學士朱軾往新

江總理海塘工程隆昇等俱聽節制 查耶阿奏準噶爾
使臣垂納木喀等到營于六月二十七日出閭舍圖卡倫
西去 雲南總督尹繼善奏大兵雲集分路會剿焚洗逆
巢數十殺苗千餘生擒賊首阿九訛知大賊首汪柱等如
空拜等寨築屯嚴飭擒勦現在清平黃平餘慶平越等處
俱已平定 湖廣總督邁柱疏言前于湖南永定九谿二
衛適中之地建設安福縣治人民田賦附近安福者歸安
福遠在各屬者撥歸各屬惟二衛撥歸慈利永順二縣所
征屯糧疆界不清民屯差互官民多有未便永定衛四面

環山一水四達人民聚居商賈輻輳請于永定衛地派設一縣以原撥永順慈利二縣所轄軍戶與慈利縣分出民人并現在改土歸流之茅岡司地計周圍八百餘里建縣治設知縣一員典史訓導各一定所設縣曰永定部議從之 安徽巡撫趙國麟疏言壽州新分鳳台縣田賦淆混等則莫辨無魚鱗底冊可稽有豪強兼併愚懦包賠之弊請履畝清查如有隱漏及避重就輕者准自報其地糧多之戶亦令勘明歸正不得逾八月之限部議從之 八月哈元生奏自五月初六日以後遣發各省官兵將雞溝丹

江稿貢台拱柳羅清江各處俱已開通軍聲大振現今痛
加剿除其有實係被脅附從者許其悔罪投誠得旨慎
無姑息以貽後患惟于張照哈元生是問 丁亥

上不豫戊子大漸召莊親王允祿果親王允禮大學士鄂
爾泰張廷玉內大臣豐成額訥親海望至寢宮前鄂爾泰
同張廷玉恭捧

上御筆親書密旨命 皇四子寶親王爲皇太子卽皇帝
位以明年爲乾隆元年

皇太子傳旨著莊親王果親王鄂爾泰張廷玉輔政二十

三日巳丑子刻

上崩遣詔張廷玉鄂爾泰將來着配享

太廟 九月

上以撫定苗疆大臣張照久無功命來京以湖廣總督張
廣泗代 諭曰從前經理古州苗疆原係鄂爾泰獨任其
事後來逆苗煽動張照在京時見

皇考申飭鄂爾泰因其向來料理原未盡善繼有解任之
旨張照遂以私意揣度過甚其詞彼時廷議新疆不可棄
置張照卽在預議之列

皇考深以爲然今張照以爲密奉棄置之旨轉告將軍哈元生因傳旨棄絕乖謬已極可傳諭張廣泗知之 釋彭維新罪尋命署左都御史 十一月

上諭張照辦理苗疆事務本係自請前往乃到黔以來挾詐懷私擾亂軍務罪過多端着王大臣審擬具奏嗣張廣泗劾照立意阻撓得 旨革職拿問尋議依律擬斬

上諭張照浮躁性成又誤聽傳聞之言立意與哈元生齟齬朕念哈元生從前征勦烏蒙曾經効力已從寬免死張照亦一體釋放在武英殿修書處行走 恭上

尊號曰敬天昌運建中義聖文武聖明高仁清毅大孝皇帝
諡高皇帝廟號

世宗以乾隆二年三月庚寅辰時葬

泰陵

東華錄卷之三十二終